


01/e-50-7



Broj: 13/10-15-23-2065-7/13 – J.M.  
Sarajevo, 13.06.2013. godine

PRIMLJENO:	04-07-2013		
Organizaciona jedinica	Klasifikaciona oznaka	Redni broj	Broj priloga
01-50-1115-48/13			

**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
ZASTUPNIČKI DOM**

- n/r poslanika, gosp. Niko Lozančić

**PREDMET: Odgovor na zastupničko pitanje**

U vezi postavljenog zastupničkog pitanja na 48. sjednici Zastupničkog doma Parlamentarne skupštine Bosne i Hercegovine, održanoj 23. maja 2013. godine, koje je postavio zastupnik Niko Lozančić, a koje glasi:

„Tko je odobrio javnim poduzećima, koja su u većinskom državnom vlasništvu, da ne uplaćuju doprinose po osnovu, Zakonom obavezne propisane doprinose po osnovu ova dva osnova mirovinsko-invalidskog i zdravstvenog osiguranja“?

Dajemo odgovor:

Sa 30.04.2013. godine, najveći iznos dugovanja oko 45% u ukupnim dugovanjima, koja iznose cca 1.600 miliona po osnovu neuplaćenih poreza, doprinosa, taksa i dr. su dugovanja po osnovu doprinosa penzionog i invalidskog osiguranja, zdravstvenog osiguranja i osiguranja neuposlenosti, koja duguju porezni obveznici koji u strukturi vlasništva imaju državni kapital.

Po navedenom osnovu 224 porezna obveznika, koja u strukturi vlasništva imaju državni kapital duguju iznos 724.619.472,00 KM, od čega se na kamatu odnosi do 30% duga.

Dugovanja ovih poreznih obveznika su nastala prije svega tranzicijom društveno-ekonomskog sistema, jer su porezni obveznici ostali bez sredstava za rad i proizvodnju, koja su u prethodnom sistemu dobivala od države.

Kako je izvor priliva tih sredstava izostao, to su ono prihoda što su ostvarivali usmjeravali na isplatu dijela neto plaća, dakle bez uplata doprinosa i na isplate drugih prioriteta.

Isplate dijela neto plaća nisu vršene redovno, nego u zavisnosti od povremenog ostvarivanja prihoda.

Ti porezni obveznici su uglavnom nelikvidni, a tome je doprinjela i loše provedena privatizacija u kojim slučajevima je dolazilo i još uvijek dolazi do raskida ugovora o privatizaciji.

Porezna uprava Federacije BiH je u postupku prinudne naplate poduzimala sve mjere od zapljene do prodaje imovine, koja se nije mogla prodati, jer se radi o opremi koja je zastarjela i tehnološki prevaziđena, a nepokretna imovina se odnosi na stare zgrade – najčešće namjenske zgrade koje nisu nalazile kupca.

Pored toga imovina ovih poreznih obveznika je najčešće pod hipotekom drugih povjerilaca, najčešće banaka u kojim slučajevima Porezna uprava Federacije BiH mora poštovati pravo prethodno uknjiženog povjerioca.

U cilju smanjenja i rasterećenja duga ovih poreznih obveznika 2006. godine donesen je Zakon o naplati i djelimičnom otpisu dospjelih, a nanaplaćenih doprinosa socijalnog osiguranja, kojim su propisane olakšice u smislu otpisa kamata i reprograma duga do 7 godina.

Ovaj Zakon u primjeni nije dao očekivane rezultate jer porezni obveznici nisu bili u situaciji da koriste olakšice, zbog nelikvidnosti, istovremeno i opterećenosti imovine hipotekama drugih povjerilaca usljed čega nisu mogli ponuditi garanciju za reprogram duga.

Obzirom, da se dug poreznih obveznika sa učešćem državnog kapitala u strukturi vlasništva i dalje povećava donesen je Zakon o dopunama Zakona o visini stope zatezne kamate na javne prihode, kojim su takođe propisane olakšice otpisa kamata uz ispunjenje propisanih uslova.

Primjena ovog Zakona je u toku, a poreznim obveznicima data je mogućnost izmirenja glavnice do 30.06.2014. godine, nakon čega je moguće sagledati efekte.

Ukoliko i nakon primjene ovog Zakona ne dođe do smanjenja duga navedenih poreznih obveznika, onda u narednom periodu je moguće očekivati definitivno njihov stečaj i likvidaciju.

Na kraju ističemo, da niko nije dozvolio da javna preduzeća koja su u većinskom državnom vlasništvu, ne uplaćuju doprinose po osnovu penzijskog i zdravstvenog osiguranja, nego je to posljedica promjene društveno-ekonomskog sistema, loše provedene privatizacije ili još uvijek neizvršene tranzicije organizovanja društva, teške ekonomske situacije u smislu uslova privređivanja poreznih obveznika, sve manje dobijanja poslova na ekonomskom tržištu, opterećenja u smislu prethodno izvršenih zaduživanja kredita, što sve za posledicu ima ne ostvarivanje dovoljnog nivoa prihoda iz kojih bi izmirivali sve obaveze po osnovu poreza i doprinosa.

S poštovanjem,

Dostavljeno:

- ① Naslovu
2. Za evidenciju
3. a/a

  
**DIREKTOR**  
Midhat Arifović, dipl. ecc.